



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXII. Kaiser Ludwig bestätigt dem Kloster Chorin alle Besitzungen und Rechte, ausgenommen solche, die es von dem Markgrafen Ludwig ohne Zustimmung seiner Vormünder erlangt haben mögte, am 14. Mai ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

facienda esset specialis mentio, factam eidem monasterio per Woldemarum, quondam Marchionem Brandenburgensem, clare memorie, approbamus, ratificamus ac presentis pagine patrocinio, juxta tenorem litterarum ejusdem principis desuper in ultimo sue voluntatis arbitrio concessarum solemniter confirmamus. In cujus rei testimonium nostrum sigillum presentibus est appensum. Testes hujus rei sunt nobilis vir Güntherus, Comes de Lindowe, Henricus de Sidow, Hermannus de Wulkow, Betkinus de Holzendorp, Wernerus de Arneborch, milites, et Hermannus de Lüchow, prothonotarius noster, cum pluribus fide dignis. Datum Bernowe, anno domini M^o. CCC^o. tricesimo, feria quinta proxima post annunciationem sanctissime virginis Marie.

Aus dem nach dem Original des K. Geh. Staatsarchives herichtigten Abdrucke in Gercken Cod. IV, 376.

LXII. Kaiser Ludwig bestätigt dem Kloster Chorin alle Besitzungen und Rechte, ausgenommen solche, die es von dem Markgrafen Ludwig ohne Zustimmung seiner Vormünder erlangt haben mögte, am 14. Mai 1330.

Ludouicus, dei gratia Romanorum imperator, semper Augustus. Vniuersis imperii fidelibus, presentem paginam inspecturis, gratiam suam et omne bonum. Antiquorum memorie principum id precipue laudis ascribitur, quod Dei ecclesias multis per eos donatas libertatibus et muneribus honoratas strenue defendebant, tunc enim reputabant ditiores se fieri, cum ab eis in opus misericordie aliquid contigit erogari. Attendentes itaque largiciones et utique commendandas, quas Illustres Marchiones dilecti principes nostri de Brandenburg et eorum Antecessores et alii fideles imperii pro salutis sue remedio Abbati et Conuentui monasterii de Coryn Cystercienfis Ordinis deuotis nostris liberaliter contulerunt, uniuersa bona, que idem monasterium hactenus legitime et quiete possedit vel que propriis denariis comparauerunt aut in futurum iustis modis parante Domino poterunt adipisci, eis et eidem monasterio autoritate imperiali confirmamus, et idem monasterium cum omnibus bonis suis habitis et habendis sub nostram et imperii protectionem recipimus specialem. Exceptis tamen illis bonis, si que illustris Ludouicus, nunc Marchio Brandenburgensis, primogenitus noster karissimus, eidem monasterio sine consensu illustris Friderici, Marchionis Myfinensis, generi nostri predilecti, et Spectabilis viri Berhtoldi, Comitis de Hennenbergh, Secretarii nostri, tunc ipsius tutorum (contulit). Priuilegia quoque, libertates, iurisdictiones, terras, possessiones et alia bona eorum presentis scripti patrocinio communimus. Concedentes etiam eisdem ut in locis, in quibus iurisdictionem temporalem habuerint, personas ydoneas iudices constituere possint, qui jus reddant et iustitiam faciant, sicut ipsis ea iurdictio competere comprobatur. Nulli ergo omnino hominum liceat hanc nostram confirmationem, protectionem et concessionem infringere vel eis ausu temerario contraire. Si quis autem hoc fecerit grauem nostre indignationis offensam se nouerit incursum. In cujus rei testimonium presentes conscribi et sigillo nostre maiestatis iussimus communiti. Datum Vlme, anno domini millesimo trecentesimo tricesimo, quarto decimo die mensis Maji, regni nostri anno sexto decimo, imperii vero tertio.

Aus dem nach dem Original des K. Geh. Staats-Archives herichtigten Abdrucke in Gercken Cod. II, 470.